



**ZAPISNIK O RADU DEVETE SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 05.10.2021. GODINE**

Broj: 01-GV-02-1156/21

Sarajevo, 05.10.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
9. Marijela Hašimbegović, zamjenica predsjedavajuće Kluba gradskih vijećnica „Demokratska fronta-Enisa Spahić - Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Elvedin Korora, predsjedavajući Kluba gradskih vijećnika „Korora/Skorupan“
12. Seid Škaljić predsjedavajući Kluba gradskih vijećnika „Narodni evropski savez (NES) - Željko Majstorović“
13. Mila Eminović Rizvanović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala Aida Bajramović, šef Odsjeka za kabinetske poslove u Stručnoj službi gradonačelnice Grada Sarajeva.

Ispred Gradske službe za Gradsko vijeće sjednici su prisustvovala:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove u Stručnij službi Gradskog vijeća Grada Sarajeva

Jasmin Ademović, predsjedavajući Gradskog vijeća, je otvorio sjednicu u 14.00 sati, pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, izjasnivši se sa deset glasova „za“ **je usvojio** Zapisnik o radu Osme sjednice Kolegija Gradskog vijeća, održane 03.09.2021. godine.

Jasmin Ademović, predsjedavajući Gradskog vijeća je predložio da se dnevni red Devete sjednice Kolegija Gradskog vijeća dopuni tačkom, koja glasi:

- Priprema za održavanje Tematske sjednice Gradskog vijeća Grada Sarajeva



Zatim je predložio da dnevni red Devete sjednice Kolegija Gradskog vijeća glasi:

1. Utvrđivanje Nacrta Programa rada Gradskog vijeća Grada Sarajeva za 2022. godinu
2. Priprema za održavanje Tematske sjednice Gradskog vijeća Grada Sarajeva
3. Priprema za održavanje Sedme sjednice Gradskog vijeća Grada Sarajeva
4. Predlaganje kandidata za članove Odbora za dodjelu „Šestoaprilске nagrade Grada Sarajeva“ za 2022. godinu iz reda istaknutih javnih djelatnika
5. Tekuća pitanja.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, izjasnivši se sa deset glasova “za” **je usvojio** dnevni red Devete sjednice Kolegija Gradskog vijeće, tako da glasi:

1. Utvrđivanje Nacrta Programa rada Gradskog vijeća Grada Sarajeva za 2022. godinu
2. Priprema za održavanje Tematske sjednice Gradskog vijeća Grada Sarajeva
3. Priprema za održavanje Sedme sjednice Gradskog vijeća Grada Sarajeva
4. Predlaganje kandidata za članove Odbora za dodjelu „Šestoaprilске nagrade Grada Sarajeva“ za 2022. godinu iz reda istaknutih javnih djelatnika
5. Tekuća pitanja.

Vedad Deljković, predsjedavajući Kluba gradskih vijećnika Stranke demokratske akcije i Toni Vukadin, predsjedavajući Kluba gradskih vijećnika Naroda i Pravde pristupili su sjednici Kolegija Gradskog vijeća u 14.15 sati.

#### **Ad1)**

#### **Utvrđivanje Nacrta Programa rada Gradskog vijeća Grada Sarajeva za 2022. godinu**

Uvodne napomene podnio je Jasmin Ademović, predsjedavajući Gradskog vijeća, te istako da su u Nacrt Programa rada Gradskog vijeća Grada Sarajeva za 2022. godinu uvršteni prijedlozi iz inicijativa sa sjednica Gradskog vijeća, prijedlozi radnih tijela Gradskog vijeća, prijedlozi gradonačelnice Grada Sarajeva, javnih preduzeća čiji je osnivač Grad Sarajevo, te Općine Novo Sarajevo, koja se jedina odazvala zahtjevu za predlaganje tema.

Upoznao je članove Kolegija Gradskog vijeća da, u ovoj fazi pripreme Programa rada Gradskog vijeća Grada Sarajeva za 2022. godinu, Kolegij Gradskog vijeća još uvijek ne može imati punu informaciju o konačnoj realizaciji Programa rada Gradskog vijeća Grada Sarajeva za 2021. godinu, te će teme iz ovog programa, koje ne budu razmatrane na sjednicama Gradskog vijeća, biti uvrštene u Program rada Gradskog vijeća za 2022. godinu, te se očekuje da gradonačelnica predloži nove rokove za ove teme za razmatranje na sjednicama Gradskog vijeća u 2022. godini.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, izjasnivši se sa dvanaest glasova “za” **je usvojio** Zaključak:

1. Utvrđuje se Nacrt Programa rada Gradskog vijeća Grada Sarajeva za 2022. godinu i upućuje se Gradskom vijeću Grada Sarajeva na razmatranje (utvrđeni Nacrt Programa je u prilogu ovog zaključka).
2. Utvrđuje se Prijedlog Zaključka kojim bi Gradsko vijeće Grada Sarajeva utvrđeni Nacrt Programa rada Gradskog vijeća Grada Sarajeva za 2022. godinu uputio u javnu raspravu (utvrđeni Prijedlog Zaključka je u prilogu ovog zaključka).
3. Zadužuje se Stručna služba Gradskog vijeća Grada Sarajeva da izradi tekst Nacrta tako što će u tekst razmatranog materijala uvrstiti rješenja prihvaćena na današnjoj sjednici Kolegija, a prije upućivanja Nacrta Gradskom vijeću na razmatranje.

## AD2)

### Priprema za održavanje Tematske sjednice Gradskog vijeća Grada Sarajeva

U uvodnim napomenama Benjamina Karić, gradonačelnica Grada Sarajeva je obrazložila razloge zakazivanja Tematske sjednice, te istakla da bi se na Tematskoj sjednici vodila rasprava isključivo o projektima koje Grad Sarajevo realizuje ili planira realizovati.

Predložila je da se na Tematskoj sjednici Gradskog vijeća razmatraju sljedeći materijali:

1. Studija o opravdanosti izgradnje i korištenja objekta „Vidikovac“
2. Prijedlog Odluke o uslovima i načinu korištenja objekta „Vidikovac“
3. Prijedlog Odluke o uslovima i načinu korištenja objekta „Bistrička stanica“
4. Informacija o trenutnom stanju Bistričke stanice, dosadašnjim i planiranim ulaganjima u Bistričku stanicu sa definisanom budućom namjerom predmetnog objekta
5. Informacija o poduzetim aktivnostima na sanaciji mosta Ars Aevi i stvaranje pretpostavke za njegovo trajno održavanje, uključujući videonadzor.
6. Prijedlog Odluke o davanju saglasnosti za postavljanje dva (2) jarbola sa zastavama BiH i Grada Sarajeva, na ulazu u Grad Sarajevo - istočni ulaz (vrijednost projekta cca 100.000,00 KM)
7. Prijedlog Odluke o davanju saglasnosti za zaključivanje Sporazuma sa KJKP „RAD“ d.o.o. u svrhu nabavke kanti za sitni ulični otpad za potrebe četiri Gradske općine
8. Informacija o realizaciji Sporazuma o sufinansiranju radova na opremanju objekta Evropske kuće kulture i nacionalnih manjina bivše Austrijske kuće
9. Informacija o realizaciji Sporazuma o sufinansiranju radova - most Festina Lente
10. Informacija o realizaciji Sporazuma o sufinansiranju regulisanja međusobnih prava i obaveza na realizaciji hitne sanacije armiranobetonske stropne ploče na zacjvljenom dijelu Bistričkog potoka na okretnici Trg Austrije
11. Informacija o poduzetim aktivnostima na sanaciji, restauraciji i kolorističkoj obnovi fasade objekta „Gospođicina kuća“
12. Informacija o Muzeju u Vijećnici, etaža -1
13. Prijedlog Odluke o preuzimanju i održavanju Spomen parka Vraca

Usljedila je rasprava, o terminu održavanja Tematske sjednice, u koj su učestovali svi članovi Kolegija Gradskog vijeća.

Član Kolegija Vedad Deljković je predložio da se tematska sjednica održi u četvrtak 04.11.2021. godine, s čijim su se prijedlogom saglasili i ostali članovi Kolegija Gradskog vijeća.

Član Kolegija Toni Vukadin je predložio da Gradonačelnica iskoordinira sa Općinom Novi Grad kako bi se usaglasili projekti koje će Grad Sarajevo realizovati i na području općine Novi Grad Sarajevo.

Benjamina Karić, gradonačelnica Grada Sarajeva je istakla da su sa Semirom Efendićem, načelnikom Općine Novi Grad Sarajevo vođeni razgovori o projektima koji bi Grad Sarajevo i Općina Novi Grad Sarajevo mogli zajednički realizovati do kraja godine, ali da su iz Općine Novi Grad Sarajevo predložena dva projekta koja, u odnosu na Budžet Grada Sarajeva, iziskuju velika finansijska sredstva.

Sjednici je pristupila Marijela Hašimbegović, zamjenica predsjedajuće Kluba gradskih vijećnica „Demokratska fronta-Enisa Spahić- Amra Zulfikarpašić“ u 14.30 sati.

Sjednicu je napustila Mirela Džehverović, zamjenica predsjedavajućeg Gradskog vijeća, radi ranije preuzetih obaveza u 14.40 sati.

U raspravi koja je uslijedila o saradnji sa načenicima gradskih općina i načinu predlaganju, finansiranju i realizaciji projekata na području četiri gradske općine učestovali su svi članovi Kolegija Gradskog vijeća.

Član Kolegija Toni Vukadin je predložio da Grad Sarajevo planira finansijska sredstva u iznosu od 80.000,00 KM za sufinansiranje projekta na području Općine Novi Grad Sarajevo, kako bi se stanovnicima u najstarijoj ulici na području Općine Novi Grad Sarajevo, ulici Kralja Stjepana Tomaševića omogućilo snabdijevanje vodom.

Napomenuo je da je Općina Novi Grad Sarajevo za realizaciju ovog projekta planirala sredstva u iznosu od 180.000,00 KM.

Sjednicu je napustio Vedran Dodik predsjedavajući Kluba gradskih vijećnika „SMS-Savez za Stari Grad-Srđan Srđić“, radi ranije preuzetih obaveza u 14.50 sati.

Nakon rasprave, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, izjasnivši se sa jedanaest glasova „za“ **je usvojio** Zaključak:

- Tematska sjednica Gradskog vijeća će se održati u **četvrtak 04.11.2021. godine** u Vijećnici sa početkom u **10,00h**, po istoj dinamici koja će biti utvrđena za održavanje Sedme sjednice Gradskog vijeća;
- Predlagači će materijale dostaviti Predsjedavajućem najkasnije do **petka 08.10.2021. godine**;
- Pozivi za sjednice radnih tijela bit će upućeni u **petak i ponedjeljak 08.10. i 11.10.2021. godine**;
- Sjednice radnih tijela će se održavati **počev od ponedjeljka 11.10.2021. godine**;
- Pozivi gradskim vijećnicima za Tematsku sjednicu će se uputiti **najkasnije u utorak 26.10.2021. godine**.

### Ad3)

#### Priprema za održavanje Sedme sjednice Gradskog vijeća Grada Sarajeva

##### Termin održavanja Sedme sjednice i dinamika aktivnosti u pripremi Sedme sjednice Gradskog vijeća

Nakon rasprave, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, izjasnivši se sa jedanaest glasova „za“ **je usvojio** Zaključak:

- Sedma sjednica Gradskog vijeća će se održati u **srijedu 27.10.2021. godine** u Vijećnici sa početkom u **10,00 h**;
- Predlagači će materijale dostaviti Predsjedavajućem najkasnije do **petka 08.10.2021. godine**;
- Pozivi za sjednice radnih tijela bit će upućeni u **petak i ponedjeljak 08.10. i 11.10.2021. godine**;
- Sjednice radnih tijela će se održavati **počev od ponedjeljka 11.10.2021. godine**;
- Pozivi gradskim vijećnicima za Sedmu sjednicu će se uputiti **najkasnije u utorak 19.10.2021. godine**.

\*\*\*

Jasmin Ademović, predsjedavajući Gradskog vijeća je pozvao Benjaminu Karić, gradonačelnicu grada Sarajeva da upozna članove Kolegija Gradskog vijeća koji materijali su pripremljeni za Sedmu sjednicu Kolegija Gradskog vijeća, te da dâ obrazloženja za materijale koji nisu pripremljeni, a planirani su Programom rada Gradskog vijeća Grada Sarajeva za 2021. godinu, za Sedmu (oktobarsku) sjednicu.

\*\*\*

Izvještaj o primjeni Odluke o upotrebi grba, imena i isticanju zastave Grada Sarajeva, planiran za razmatranje u oktobru mjesecu, prema informaciji gradonačelnice, **je spreman** i biti će uvrštena u prijedlog dnevnog reda Sedme sjednice Gradskog vijeća.

Nacrt Odluke o korištenju i održavanju uređenih vodotoka na području Grada Sarajeva planiran za razmatranje u oktobru mjesecu, prema informaciji gradonačelnice bit će pripremljen za novembarsku sjednicu Gradskog vijeća iz razloga što je formirana radna grupa od uposlenika iz Službe za opću upravu i zajedničke poslove i Službe za urbano planiranje, investicije, stambene i komunalne poslove i inspektora. Razlog formiranja radne grupe je što prethodna Odluka nije urađena u skladu sa svim zakonskim i podzakonskim aktima i iz tih razloga imamo stanje sa postavljanjem bilborda uz korito Miljacke kakvo jeste.

Nacrt Budžeta Grada Sarajeva za 2022. godinu planiran za razmatranje u oktobru mjesecu, prema informaciji gradonačelnice bit će pripremljen za novembarsku sjednicu Gradskog vijeća

Nacrt Odluke o izvršavanju Budžeta Grada Sarajeva za 2022. godinu planiran za razmatranje u oktobru mjesecu, prema informaciji gradonačelnice bit će pripremljen za novembarsku sjednicu Gradskog vijeća

Nacrt Programa međunarodne saradnje Grada Sarajeva za 2022. godinu planiran za razmatranje u oktobru mjesecu, prema informaciji gradonačelnice, **je spreman** i biti će uvrštena u prijedlog dnevnog reda Sedme sjednice Gradskog vijeća.

Nacrt Programa podizanja spomenika od značaja za Grad Sarajevo kojima je Grad Sarajevo investitor za 2022. godinu planiran za razmatranje u oktobru mjesecu, prema informaciji gradonačelnice, **je spreman** i biti će uvršten u prijedlog dnevnog reda Sedme sjednice Gradskog vijeća.

Nacrt Odluke o podizanju spomen obilježja kralju Tvrtku I Kotromaniću planiran za razmatranje u oktobru mjesecu, prema informaciji gradonačelnice, **nije spreman** i neće biti uvršten u prijedlog dnevnog reda Sedme sjednice Gradskog vijeća.

Informacija o saradnji i odnosima organa Grada Sarajeva sa vjerskim zajednicama i crkvama planirana za razmatranje u oktobru mjesecu, prema informaciji gradonačelnice, **je spremna** i biti će biti uvrštena u prijedlog dnevnog reda Sedme sjednice Gradskog vijeća.

Prijedlog Odluke o usvajanju RP „Sarajevo „Sarajevogas -Bosnalijek“ sa Odlukom o provođenju RP „Sarajevogas-Bosnalijek“ prema informaciji gradonačelnice, **nije spreman** i neće biti uvršten u prijedlog dnevnog reda Sedme sjednice Gradskog vijeća uz obrazloženje da je u toku usaglašavanje stavova subjekata planiranja u vezi dostavljenih primjedbi investitora na Nacrt Plana. Čeka se konačan stav Vlade Kantona Sarajevo u vezi dogovora i rješavanja imovinskih odnosa sa firmom Penny plus, koji direktno utiče na konačno urbanističko rješenje. Nakon rješavanja naprijed navedenog, pristupit će se izradi Prijedloga Plana sa svim fazama komunalne, saobraćajne i elektroenergetske infrastrukture.

Nacrt Odluke o usvajanju RP „Alipašin most VI“ sa Odlukom o provođenju RP „Alipašin most VI“ prema informaciji gradonačelnice, **nije spreman** i neće biti uvršten u prijedlog dnevnog reda Sedme sjednice Gradskog vijeća uz obrazloženje da je u toku sumiranje pristiglih primjedbi i sugestija na Osnovnu koncepciju Plana, te usaglašavanje stavova subjekata

planiranja o istim, te da prema informacija od strane Zavoda za planiranje razvoja Kantona Sarajevo, do kraja mjeseca oktobra će biti isporučen Prednacrta Plana Gradu Sarajevu radi provođenja dalje procedure.

Prijedlog Odluke o usvajanju izmjena i dopuna RP „Hepok Čengić Vila III (skraćeni postupak) prema informaciji gradonačelnice, **nije spreman** i neće biti uvršten u prijedlog dnevnog reda Sedme sjednice Gradskog vijeća uz obrazloženje da je Plan u fazi izrade Prijedloga Plana, kako bi se uputio na javni uvid i raspravu, odnosno upoznavanje javnosti sa istim, te da je u toku usaglašavanje stavova subjekata planiranja oko urbanističkog rješenja.

Nacrt Odluke o finansiranju neprofitnih organizacija, prema informaciji gradonačelnice, **nije spreman** i neće biti uvršten u prijedlog dnevnog reda sjednica Gradskog vijeća uz obrazloženje da ne postoji potreba za donošenjem ove Odluke u ovom momentu, obzirom da postojećim važećim aktima (između ostalog, Odlukom o danu otvorenih vrata za udruženja i fondacije u Gradu Sarajevu („Službene novine Kantona Sarajevo“, broj 11/16), Odluka o finansiranju i sufinansiranju projekata OCD koje djeluju na području Grada Sarajeva („Službene novine Kantona Sarajevo“, broj 36/10) kao i Odlukom čiji Nacrt je upućen u javnu raspravu na Šestoj sjednici GV (Odluka o uslovima i načinu sticanja statusa udruženja i fondacija od posebnog značaja za Grad Sarajevo), ova oblast je pravno normirana, tako da bi donošenje novog akta vodilo eventualnom prenormiranju ove oblasti.

Informacija o pitanju i statusu mladih u Gradu Sarajevo planiran za razmatranje u oktobru mjesecu, prema informaciji gradonačelnice, **je spremana** i biti će uvrštena u prijedlog dnevnog reda Sedme sjednice Gradskog vijeća.

Benjamina Karić, gradonačelnica grada Sarajeva je upoznala članove Kolegija Gradskog vijeća da će, kao ovlašteni predlagač, predložiti da se u dnevni red Sedme sjednice uvrste i sljedeće teme:

Prijedlog Odluke o imenovanju predsjednika i članova Skupštine JP za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ d.o.o. (J.P. „Sarajevo“ d.o.o.), po hitnom postupku

Prijedlog Odluke o imenovanju predsjednika i članova Skupštine J.P. „Olimpijski bazen Otoka“ d.o.o. Sarajevo, po hitnom postupku

Prijedlog Odluke o izmjenama Odluke o proceduri i standardima imenovanja članova Skupštine JP čiji je osnivač Grad Sarajevo, koji se odnosi na izmjenu člana 9. Odluke, kojim je propisano da Gradonačelnica može razrješiti članove skupština javnih preduzeća.

Prijedlog Odluke o davanju saglasnosti za suosnivanje Evropskog ogranka „Gradonačelnika za mir“ (Grad Sarajevo je član Asocijacije od 2004. godine, a u junu 2015. godine potvrđen je kao vodeći grad „Gradonačelnika za mir“ u BiH).

Informacija o kreditnim zaduženjima Grada Sarajeva

Prijedlog Odluke o podizanju spomen obilježja Kazani

Također je upoznala članove Kolegija Gradskog vijeća da će za novembarsku sjednicu Gradskog vijeća predložiti i Nacrt Strategije razvoja Grada Sarajeva.

\*\*\*

Jasmin Ademović, predsjedavajući Gradskog vijeća je upoznao članove Kolegija da će u pripremi Sedme sjednice Gradskog vijeća, Komisija za izbor i imenovanja razmatrati prijedlog Kluba Gradskih vijećnika Socijaldemokratske partije BiH za razrješenje člana Odbora za budžet i finansije i izbor novog člana Odbora za budžet i finansije.

Također je upoznao članove Kolegija da je Komisija za izbor i imenovanja raspisala Javni oglas za izbor i imenovanje Pravobranioca Pravobranilaštva Grada Sarajeva, te ukoliko se do Sedme sjednice Gradskog vijeća okonča procedura izbora, na Sedmu sjednicu će biti predložene odluke o imenovanju Pravobranioca Pravobranilaštva Grada Sarajeva i razrješenju Pravobranioca Pravobranilaštva Grada Sarajeva.

Član Kolegija Toni Vukadin je upoznao članove Kolegija Gradskog vijeća da će Klub gradskih vijećnika „Naroda i pravde“ predložiti kandidate za članove Komisije za izbor i imenovanja, kako bi se ispoštovao član 15. stav 2. Poslovnika Gradskog vijeća Grada Sarajeva.

#### **AD4)**

#### **Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2021. godinu iz reda istaknutih javnih djelatnika**

Jasmin Ademović, predsjedavajući Gradskog vijeća podsjetio je članove Kolegija Gradskog vijeća o načinu predlaganja kandidata za članove Odbora za dodjelu „Šestoaprilske nagrade Grada Sarajeva“ za 2021. godinu iz reda istaknutih javnih djelatnika, koji je propisan Odlukom o uslovima i načinu dodjele „Šestoaprilske nagrade Grada Sarajeva“.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća jednoglasno, izjasnivši se sa jedanaest glasova “za” je usvojio Zaključak:

Deseta sjednica Kolegija Gradskog vijeća Grada Sarajeva će se održati u **utorak 12.10.2021. godine** sa početkom u **14.30 sati**.

Predsjedavajući klubova gradskih vijećnika će na sjednicu Kolegija dostaviti prijedloge imena kandidata za članove Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika sa obrazloženjem prijedloga i biografijom predloženog kandidata.

#### **Ad5)**

#### **Tekuća pitanja**

Jasmin Ademović, predsjedavajući Gradskog vijeća je podsjetio Benjaminu Karić, gradonačelnicu Grada Sarajeva na obavezu da se dostave odgovori na vijećnička pitanja i inicijative.

Član Kolegija Adi Škaljić je zatražio da se na službenu stranicu Gradskog vijeća unesu sva vijećnička pitanja i inicijative, koja su gradski vijećnici Naše stranke uputili na sjednicama Gradskog vijeća.

Jasmin Ademović, predsjedavajući Gradskog vijeća je pojasnio da su postojali određeni tehnički problemi sa službenom stranicom Gradskog vijeća, ali da su otklonjeni, te će sva vijećnička pitanja i inicijative biti dostupna na stranici.

Jasmin Ademović, predsjedavajući Gradskog vijeća je upoznao članove Kolegija Gradskog vijeća sa određenim vijećničkim inicijativama, koje su uputila radna tijela Gradskog vijeća.

Benamina Karić, gradonačelnica Grada Sarajeva je prihvatila inicijativu Komisije za ljudska prava i slobode da se obrazac putem koga će građani, udruženja i druge organizacije i zajednice upućivati predstavke Komisiji za ljudska prava i slobode Gradskog vijeća Grada Sarajeva postavi na službenu stranicu Grada Sarajeva, te prijedlog Komisije za drugostepeno upravno rješavanje da se izradi registar propisa Grada Sarajeva i postavi na službenu stranicu Grada Sarajeva.

Također je istakla da je potrebno razmotriti Inicijativu Odbora za informatiku i telematiku za realizaciju ranije inicijative za uspostavljanje besplatnog interneta na lokacijama u gradu na kojima se turisti najviše zadržavaju, te da se inicijativa pokuša realizovati u saradnji sa Turističkom zajednicom Kantona Sarajevo.

Članovi Kolegija Gradskog vijeća su se saglasili da se inicijativa Naše stranke da se dio Radićeve ulice primenuje u ulicu Jovana Divjaka uputiti nadležnom općinskom organu.

Jasmin Ademović, predsjedavajući Gradskog vijeća je zaključio sjednicu Kolegija Gradskog vijeća u 15,20 h.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*